

**Broj: 01-04-13-6608/2023**  
**Datum: 11.12.2023.godine**

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD SREBRENİK**  
**GRADSKO VIJEĆE GRADA SREBRENİK**  
**n/p Predsjedavajući vijeća- Mato Matijević**  
**veza vaš akt br. 01-34-459/2023 od 01.09.2023.godine**

**n/p – vijećnik Mustafa Muratović**

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA FEDERACIJE BiH**  
**GENERALNI SEKRETARIJAT VLADE**  
**n/p- generalna sekretarka mr.sci. Edita Kalajdžić**

**PREDMET: Odgovor na vijećničko pitanje, dostavlja se**

Federalna uprava za inspeksijske poslove zaprimila je dana 10.11.2023.godine akt gornji broj koji je vijećničko pitanje koje je vijećnik Mustafa Muratović postavio na 26.redovnoj sjednici Gradskog vijeća Grada Srebrenik, održanoj dana 31.08.2023.godine

Pitanje kojim se vijećnik obratio Federalnom i kantonalnom inspektoratu zaštite okoliša odnosilo se na zahtjev da se izvrši inspeksijski nadzor rada krečane „Ingram“ d.d. Srebrenik u smislu provjere, da li se krečana u procesu proizvodnje pridržava zakonom utvrđenih mjera zagađenosti vazduha, jer postoje indicije da se u procesu proizvodnje koristi nekvalitetan ugalj koji je štetan po zdravlje ljudi.

Odgovor na postavljeno vijećničko pitanje dostavljamo sa malim zakašnjenjem iz razloga što je nadzor u konkretnom obavio kantonalni inspektor Kantonalne uprave za inspeksijske poslove kanton Tuzla, po ovlaštenju direktora Federalne uprave za inspeksijske poslove, obzirom da je radno mjesto federalnog inspektora zaštite okoliša sa sjedištem u regionalnom odjelu FUZIP-a u Tuzli, trenutno nepopunjeno.

Na osnovu Zaključka broj: 02-520/23 od 06.11.2023. godine, kojim je Grad Srebrenik, Služba za finansije i inspeksijski nadzor, prihvatio inicijativu vijećnika Mustafe Muratovića, da zatraži da Federalna uprava za inspeksijske poslove i Kantonalna uprava za inspeksijske poslove Tuzla, putem inspektora zaštite okoliša, izvrše inspeksijski nadzor rada krečane "Ingram" Srebrenik, traženi nadzor je i obavljen.

Naime, kantonalni inspektor zaštite okolice i prirode Tuzlanskog kantona, po ovlaštenju direktora Federalne uprave za inspeksijske poslove, izvršio je dana 04.12.2023. godine inspeksijski nadzor rada krečane „Ingram“ d.d. Tuzla, kojom prilikom je sačinio Zapisnik o obavljenom inspeksijskom nadzoru.

Zapisnikom je, između ostalog, konstatovano sljedeće:

- Subjekt nadzora je pribavio okolišnu dozvolu izdatu od strane Federalnog ministarstva okoliša i turizma.
- Poslodavac vrši periodična ili povremena mjerenja emisija i dostavlja nalaz nadležnom ministarstvu i inspekciji (na uvid dat nalaz broj:6-99-582/23 od 28.02.2023.godine koji zadovoljava utvrđene parametre, urađen od strane firme "TQM" d.o.o.).
- Subjekt nadzora je osigurao zvučnu izolaciju radi sprečavanja buke na objektima.

Nakon provedenog inspeksijskog nadzora kod "Ingram" d.d., Srebrenik, a na osnovu člana 218. Zakona o upravnom postupku ("Službene novine F BiH", broj: 2/98, 48/99 i 61/22), kantonalni inspektor zaštite okolice, koji je ovaj nadzor izvršio po ovlaštenju direktora Federalne uprave, donio je Zaključak o obustavi postupka, iz razloga što je prilikom vršenja inspeksijskog nadzora utvrđeno da je stanje uredno, te ne postoji potreba za dalje vođenje upravnog postupka.

S poštovanjem,

Dostavljeno:

1 x Tajnik Ivan Miličević

1 x vijećnik Mustafa Muratović

1 x Generalna sekretarka Vlade FBiH- mr. sci. Edita Kalajdžić

1 x a/a

12-12-2023

DIREKTOR

Mr. Anis Ajdinović

RD